

**Qinersineq pillugu nassuiaat.**

(Inatsisartunut sivisunerpaamik ilaasortaasimasoq)

Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq kingusinnerusukkullu allannguuteqartinneqartoq naapertorlugu Inatsi-sartunut ilaasortat ukiuni sisamani ilaasortaasussatut qinigaasarput. Qinigaaffik ullormit qinersiffimmit naatsorsuunneqartarpoq.

Qinersinermut Ataatsimiititaliap qinersinermut allattaavimmik immersuissaaq tassani taaneqarsimassallutik kikkut qinigaasimanersut, soorlutaaq qinersinermut atatillugu pisimasut erseqqissumik nassuiaatigineqassasut.

Qinersinerup kingorna qinersinermut siulersuisut qinersinermi atortunik Qinersinermut Ataatsimiititaliamut nassiussisarput. Qinersinermi atortuugallartut ulloq 29. november 2014 Qinersinermut Ataatsimiititaliamit nassiunneqarput. Qinersisarnermut inatsimmi § 49 naapertorlugu Qinersinermut Ataatsimiititaliap qinersineq inaarutaasumik suli akuerinngilaa, tamannali piaartumik pissalluni.

Qinersinermut Ataatsimiititaliap qinersinermut allattaavik inaarutaasoq Inatsisartunut ilisimatitsissutitut nassiuttarjaa, partiit sinniisussaannut nalunaarsuiffik ilanngullugu.

Qinersinermut Ataatsimiititaliap aalajangiineri allanngortinneqarsinnaanngillat.

Qinersinermut allattaaviugallartoq Qinersinermut Ataatsimiititaliamit ilisimatitsissutitut aguaanneqarpoq.

Qinersinermut allattaavimmi Inatsisartunut ilaasortatut qinigaasut taakkulu partiikkaarlugit sinniisussaattut nalunaarsukkat innersuussutigaaqka, taamalu aamma oqaluuserisassani immikkoortoq manna naammassineqarluni.